



पोयराहा खातोर बाईबल
आमीज

जांहा परमेश्वराय बादों
काय बनाव्यो



द्वारा लिखित: Edward Hughes

द्वारा चित्रित: Byron Unger; Lazarus
Alastair Paterson

द्वारा अनुकूलित: Bob Davies; Tammy S.

द्वारा भाषांतर: रमेश वसावे

द्वारा निर्मित: Bible for Children
www.M1914.org

©2022 Bible for Children, Inc.

लाइसंस: तुमा इयाल नाहा वेची सेकता, जांव लुग तुमाहान इयो
काहानी कॉपीकेरा आन प्रिंट केरा अधिकार नाहा हाय.




आमाहान केडाय बनाव्या? बायबल, परमेश्वरा वचन, आखेहका मानव जाती केहेकी शुरू वेअयी. खूब पेअला, परमेश्वराय खूब पेअला मनुष्याल बनावलो आन तिया नाव आदम थवलो.

परमेश्वराय आदमाल तरती कादवाकी बनावलो. जांहा परमेश्वराय आदमाम प्राण फुक्यो ता आदम जीवतो वी गियो.


तियाय स्वता अदन नावा खूब सुंदर बगीसाम होद्य.




आदमाल बनावनु पेअला परमेश्वराय अद्भुत वस्तूहकी पोरालो
संसार बनाव्यो, पायरी-पायरी तियाय टेकड्या बनाव्याआन प्रेयरी
स्थान, सुगंधित फुले आन उंचे-उंचे चाडवे, चमकुणारे फाकडावाले
चिडे आन भनभन मधमाख्या, सीईल्या, आन हरकुनारी
गोगलगाय, खेरोज परमेश्वराय बादो काय बनाव्यो-. बादो काय.




सुरवातील, परमेश्वराय कायबी
बनावनु पेअला, परमेश्वरा अलावा
कायज नाय आथों. नाय लोक,
नाय जागो, नाय काय वस्तू,
कायज नाय. नाय उजवाडो
आन नाय आंदारो.
नाय उंचे, नाय
नीचे, नाय काल,
नाय आज. फक्त
परमेश्वरआथो जिया
केअलीबी सुरवात नाहा.
तांहा परमेश्वराय कार्य केंयो.
सुरवातील, परमेश्वराय
आकाश आन तरती बनावी.




आन तरतील आकार रहित
आन शून्य आथी आन
नजरी हुंबुर आंदारों
आथो. ताहा
परमेश्वर गोग्य,
"तिहीं उजवाडो
वेरा दे."




आन उजवाडो आथों, परमेश्वराय उजवाडाल दिही
आन आंदाराल रात आखी. आन वातीवेल
सकाळ वेअयि ओ पेअलो दिही आथो.



बिहिरे दिही, परमेश्वराय समुद्र, समुद्रा, आन तलाव, होरगा
नीचे व्यवस्थित केये. तिसरे दिही, परमेश्वराय हुकली भूमी
तियार वे आन तेहकीज बनी गियी.




परमेश्वराय चारो आन फुले, आन झुडपे आन चाडवे बना
आजा केअयि आन तें बनी गिये. वातीवेल
आन हाकालीवेल एहेकी ओ
तिसरो दिही आथो.



ताहा परमेश्वराय सूर्य आन चांद
बनाव्यो आन ओत्या चांदुल्या
बनाव्या का तियोहोन केडो गणी
नाय सेकतलो. रात आन उजालो
वेअयो ओ चौथो दिही आथो.




समुद्रा जीव आन मासे आन
चिडे इं परमेश्वरा लिस्टम
बिजा नुंबरावे आथे.
पाचवा दिहाल तियाय
मोडी स्वोर्डमासो आन हानी
सारडीन, लांबा पागावालो
शातुर्मुर्ग आन खुशमिजाज
हानें हमिंग चिडे बनाव्ये.
परमेश्वराय तरती पांआयावे
बादा प्रकारा मासे आन
जमीन समुद्रा आन आकाशा
आंनद ला खातोर बादा
प्रकाराचिडे बनाव्ये. आन रात
वेअई आन उजालों वेअयों
ओ पाचवो दिही आथो.



तिया बाद, परमेश्वर फाची गोग्यो,तीयाय आख्याँ, "तरतीवे जीवता प्राणी बनी जाय..." प्रत्येक जाती जानवर आन किडे आन सरीसृप अस्तीत्वाम आले. तरतील आलवी देनारे आथी आन व्यस्त उदबिलाव आथे. शरारती वांदरें आन अनाडी मगर मासे. विगलीवर्म्स आन चिकू चिपमक्स. गैन्ग्ली जिराफ आन प्यरिंग पुसीकिट्स. तियो दिही हर जाती जानवर परमेश्वराय बनाव्ये.


रात आन उजालो वेंअयाँ ओ सहावो दिही आथो.



सहावा दिहाल परमेश्वराय खुबुज काय केअयो-काहिक खुबुज हारो. माआहा खातोर बादों काय तियार आथो तिया उपयोगा खातोर खेताम खावनु आन जानवरे आथे. आन परमेश्वराय आख्यो माआहांल माआ होच बनावजी; तोअ तरतीवेने बादी वस्तूहुन मालिक बने. परमेश्वराय माआहांल तिया होच बनावयो; परमेश्वराय तियाल तिया होच माआहांल बनाव्यो...



परमेश्वर आदामा
आरी गोग्यो.
"बगीसामेने बादों
काय खाजे पेन
हारा आन खाराब
चाड्वा फल खाहो
नाहा. जर तूये
तिया चाड्वा फल
खादो तां खेरोज
मोय जाहो."



आन यहोवा परमेश्वराय आख्योँ का माआहाल एखलो रेवनु
नाय हारों. आंय तिया खातोर एक सहाय्यक बनावीहीं.
परमेश्वर बादां चिडाहांन आन जानवरांहान
आदमापाही ली आलो. आदमाय बादांहा
नावें थव्यें. एहेकी केरा तोअ खूब
हुशार रीयो वेरी. पेन बादा चिडाहांम
आन जानवराहाम तिया उपयोग
एकबी नाय आथो.



परमेश्वर आदामाल खूब, खूब नीदीम पोय
देदोहुवतला माआहा एक पाहाली काडीन
परमेश्वराय तियो पाहाली एक स्त्री
बनावी. जियो स्त्रील परमेश्वराय
बनावली ती बिलकुल आदामा
सहकर्मी बना तीयार आथी.



परमेश्वराय बादों सहा दिहाम बनाव्यो. तांहा
परमेश्वराय सातवा दिहाल आशीर्वाद देदो आन
तियाल आरामा दिही ठरव्यो. अदेन बगीसाम
आदम आन तिया पत्नील परमेश्वरा आदन्या
मानीन पुरो सुख मिल्यो. परमेश्वरतियाहा
यहोवा, तियाहा पालनकरता
आन तिया मित्र आथो.



जांहा परमेश्वराय बादों काय बनाव्यो
परमेश्वरा वचन बायबला एक कहानी


इयाम मिलेह

उत्पत्ती 1-2

"तुमा शब्दाहा प्रवेश उजवाडो देहे."

भजन 119:130






सेवक



1



60



बायबला कहानी आमाहान अद्भुत परमेश्वरा
बाबतींम आखेह जियाय आमाहान बनाव्या आंन
तिया इच्छा हाय का आपु तियाल जांआजी (ओअखुजी).

परमेश्वराल मालूम हाय का आमाहांय खाराब कामे केअयेंह,
जियाहान तोंअ पाप आखेह. पापा सजा मौत हाय, तेबी परमेश्वर
आपुहुंवे ओतो प्रेम केहे का तियाय तिया एकूलतो पोयरो, इशूल
कृसावे मोरा आन तुमाहां पापाहां सजा खातोर मोकल्यो. फाची
इशू जीवतो वेअयो आन होरगाम तिया कोअ गियो!

जर आपु मानता वेअरी इं खेरो हाय, ता परमेश्वराल एहेकी आखा:
प्रिय यीशू, मां विश्वास हायका तूं परमेश्वर हाय, आन मां पापाहा
खातोर मरा खातोर एक आदमी बनी गियो, आन आमी फाचो जीवतो
बनी गियो. कृपा किइन मांआ जीवनाम आव आन मांआ पापाहान
माफ केंअ, का आंय आमी नवो जीवन मिलवू, आन एक दिही कायम
तोअ आरी रिई सेकुं. मान तोअ आज्दन्या माना खातोर मदत
केअ आन तोअ पोयरा होच तोअ खातोर जीवूं. आमेन.

बायबल वाचा आन रोज परमेश्वरा आरी गोठया केरा. योहान 3:16

